



Ured za podršku studentima (UPS) nudi raznolike aktivnosti pored formalnog nastavnog programa

Ured za podršku studentima (UPS) nudi raznolike aktivnosti pored formalnog nastavnog programa
S4EP20



Za kraj četvrte sezone *Besjeda o obrazovanju*, imat ćete priliku da gledate i slušate serijal razgovora o upisima na nastavničke smjerove na fakultetima.

- Ovaj serijal započinjemo gošćama **Sandrom Bjelan**, **Lejlom Osmić** i **Lejlom Kafedžić** sa kojima govorimo o inicijalnom obrazovanju nastavnika, pedagoga, odgajatelja, motivaciji studenata, kompetencijama i profilima studenata, potencijalnom nedostatku kadra u budućnosti, saradnji donosioca odluka sa visokoškolskim ustanovama, ulozi fakulteta, te generalno o opstanku obrazovanja u društvu.

Nastavnički fakultet **Univerziteta u Sarajevu** se suočava sa problemom izostanka prijemnog ispita, te sama selekcija budućih studenata ne postoji, što je još dodatni problem pored same činjenice da se **Univerzitet** generalno suočava sa sve manjim brojem studenata.

Motivacija je jedan od ključnih faktora u studiranju, te je često krucijalna za nastavak studija.

*Pored ličnih motivacija sa kojima učenici upisuju određeni smjer na fakultetu, bitna je i motivacija od strane nastavnika/ca.

Pisajući i istraživajući za svoju doktorsku disertaciju, **Sandra Bjelan** je došla do podatka da su „*studenti ne nastavničkih smjerova na Univerzitetu u Sarajevu češće doživljavali kvalitetnu, aktivnu i metodički raznoliku nastavu nego studenti na nastavničkim smjerovima*“ što je bilo indikativno.

Što svakako jeste alarmantno za sve nastavnike/ce koliko je stručno usavršavanje bitno na svim nivoima.

Marginalizovanim skupinama nedostaju prava i podrška, te bivaju marginalizovani i od strane sistema u mnogim slučajevima, rekla je **Lejla Osmić**.

Mobilni stručni timovi, poznatiji kao asistenti u nastavi su sjajna stvar i zaista su potrebni, s tim da je potrebno promjeniti trenutni model koji se koristi koji bi bio više prilagođen korisnicima.

Ured za podršku studentima (UPS) je svojevrsna služba koja nudi pomoć studentima i nastavnom osoblju u raznim segmentima. Neke od usluga koje UPS nudi su podrška pri upisu, pravna pomoć, psihološku podršku, usmjeravanje, rade istraživanja, informiraju studente i akademsko osoblje i mnoge druge usluge u svrhu osnaživanja studenata i nastavničkog osoblja.

Zainteresirani učenici mogu pronaći sve informacije o upisu Nastavničkog [fakulteta na sajtu www.unsa.ba](#).

*Gledajte i slušajte *Besjede o obrazovanju* svake srijede u 19h na [Facebook profilu Besjeda o obrazovanju](#), [Instagram](#) i Facebook profilu [COI Step By Step](#) i na našem [YouTube kanalu](#). Pozivamo vas da nam pišete prije, tokom i nakon emisije, kako bismo njegovali dijalog sa vama i crpeli inspiraciju iz vaših predloga, pohvala, kritika, sugestija i pitanja.*

Collections

Besjede o obrazovanju